

Na osnovu člana 96. Zakona o igrama na sreću (Službeni glasnik RS broj: 22/19, 131/20) društvo PERUTNINA PTUJ - BH d.o.o. Breza-Podružnica Laktaši, Ul. Svetosavska 102A, 78250 Laktaši, ID BROJ: 4200929390036, PDV BROJ: 200929390001 donosi sljedeća:

PRAVILA NACIONALNE NAGRADNE IGRE «UZ POLI SJAJNE NAGRADE OSVOJI»

Član 1 Organizator

Nagradnu igru pod nazivom „UZ POLI SJAJNE NAGRADE OSVOJI“ (u daljem tekstu nagradna igra) organizira i provodi Organizator – PERUTNINA PTUJ - BH d.o.o. Breza-Podružnica Laktaši, Ul. Svetosavska 102A, 78250 Laktaši, ID BROJ: 4200929390036, PDV BROJ: 200929390001 (u daljnjem tekstu: Organizator).

Član 2 Trajanje i svrha nagradne igre

Nagradna igra se provodi isključivo za promotivne svrhe Poli salama. Nagradna igra traje od 21.04.2025. godine do 31.05.2025. godine na svim prodajnim mjestima na području Republike Srpske gdje je zastupljen asortiman Poli salama.

**Član 3
Područje organiziranja i provođenja nagradne igre**
U nagradnoj igri sudjeluju sve fizičke osobe sa prebivalištem ili boravištem u RS-u.

Član 4 Fond nagrada

Fond nagrada sastoji se od:

Nagrade	Komada	KM/Kom	Iznos bez PDV-a	PDV	Ukupno sa PDV
Putovanje u Pariz za dvije osobe	1	5.000,00	5.000,00	850,00	5.850,00
Apple MacBook Air 13.6	1	2.399,02	2.399,02	407,83	2.806,85
Apple iPhone 15 128GB Black	1	1.799,02	1.799,02	305,83	2.104,85
Playstation 5	1	949,02	949,02	161,33	1.110,35
Putni kofer	3	308,55	925,64	157,36	1.083,00
Sonny bežične slušalice	3	84,62	253,86	43,14	297,00
Stanley boce	25	47,01	1.175,25	199,79	1.375,04
Ukupno	35	10.587,24	12.501,81	2.125,28	14.627,09

Napomena na nagradu „Putovanje u Pariz i Disneyland za dvije osobe“:

„Putovanje u vrijednosti 5.000 KM uključuje karte za prevoz do destinacije i hotelski smještaj, aerodromske takse. Nakon uručivanja vaučera, odgovornost preuzima Agencija Centrotours preko koje se aranžman provodi. Trošak vize na putovanja za koja je potrebna viza, snosi korisnik putovanja. Ukoliko je trošak putovanja iznad vrijednosti 5.000 KM, trošak snosi korisnik putovanja. Ukoliko je vrijednost iskorištenog putovanja manja od 5.000 KM, agencija je dužna da kroz fakultativne izlete izjednači razliku. Vaučer za putovanje se mora iskoristiti godinu dana od dana preuzimanja vaučera. Ukoliko je maloljetno lice pratnja, roditelji ili pratnja snose odgovornost za njega do kraja korišćenja nagrade“.

Organizator nagradne igre obavezuje se dostaviti Ministarstvu finansija-Republičkoj upravi za igre na sreću RS, a na osnovu člana 96. tačka 4. Zakona o igrama na sreću RS (Službeni glasnik RS br. 22/19, 131/20) bankovnu garanciju u iznosu od 25% od ukupno planiranog nagradnog fonda, pa bankovna garancija glasi na iznosu od 3.656,77 KM sa periodom važenja od 21.04.2025. do 30.06.2025. godine.

Član 5

Određeni proizvodi i uslovi

Kupovinom Poli salama u vrijednosti 7 KM na bilo kojem prodajnom mjestu na području Republike Srpske, u periodu od 21.04.2025. godine do 31.05.2025., pošalje SMS poruku u skladu sa mehanizmom opisanim u članu broj 6 ovog Pravilnika. Račun od kupovine je potrebno sačuvati do datuma zvanične objave dobitnika. Deklarisani dobitnici će trebati pokazati originalni račun Organizatoru na uvid kao dokaz o vjerodostojnosti računa. Broj kupovina i učešća nije ograničen. Prijave računa sa istim brojem ili duplikati originalnih računa neće biti tretirani kao ispravni i neće biti uzeti u obzir za sretno izvlačenje. Organizator nije odgovoran SMS poruke ili prijave putem web-a koje nisu potpune ili koje nisu stigle.

U nagradnoj igri su učestvujući sljedeći Poli proizvodi iz asortimana Poli salama: Poli salama classic 500 gr, Poli salama classic 350 gr, Poli salama classic 220 gr, Poli salama classic 150 gr, Poli salama classic 250 gr, Poli salama maxi, Poli salama light 500 gr, Poli salama light 220 gr, Poli salama sa sirom 500 gr, Poli salama sa sirom 220 gr, Poli salama chili 500 gr, Poli salama chili 220 gr, Poli salama sa povrćem 500 gr, Poli salama sa povrćem 220 gr.

Član 6

Način sudjelovanja u nagradnoj igri

Mehanizam nagradne igre je sljedeći: Kupovinom Poli salama u vrijednosti 7 KM na bilo kojem prodajnom mjestu na području Republike Srpske, u periodu od 21.04.2025. godine do 31.05.2025.

Kupac može učestvovati u nagradnoj igri na dva načina, ali uvijek sa novim brojem računa, putem SMS-a ili prijavom preko WEB2SMS platforme.

Za svaku kupovinu Poli salama u vrijednosti 7 KM, kupac šalje tekstualnu SMS poruku sadržaja: **Broj fiskalnog računa(razmak)ime i prezime(razmak)grad kupca na broj 091 112 411. Primjer: 12345 Ivan Ivanović Banja Luka**

Broj fiskalnog računa se nalazi na odštampanom računu i ima oznaku BF.

Cijena jedne SMS poruke iznosi 0,10 KM (PDV nije uključen u cijenu) i naplaćuje se od krajnjeg korisnika.

Drugi način prijave podataka je putem WEB2SMS aplikacije na stranici www.poli.ba te popuniti tražene podatke.

Cijena jedne WEB2SMS poruke iznosi 0,06 KM (unutar mreže) i 0,11 KM (izvan mreže) i naplaćuje se od Organizatora.

Učešće putem SMS-a i putem WEB2SMS platforme kreiraju jedinstvenu bazu korisnika.

Dužina SMS poruke ograničena je na 160, odnosno 70 znakova u slučaju korištenja posebnih znakova kao što su slova č, ć, ž, đ. Poruka čija dužina prelazi navedena ograničenja, prelazi u drugu poruku te će kao takva i biti naplaćena od strane mobilnog operatera. Zbog navedenoga, preporuka je ne koristiti posebne znakove u tekstu SMS poruke.

Nakon slanja SMS poruke sa svim potrebnim podacima, kupac će primiti SMS poruku sa potvrdom o uspješnom učešću i svoj jedinstveni sigurnosni SMS kod.

Sigurnosni SMS kod sadrži 5 jedinstvenih alfanumerika i služi kao dodatni sigurnosni elemenat i vezan je za broj računa i broj telefona učesnika.

Ukoliko korisnik pošalje SMS neispravnog sadržaja, u povratnom SMS-u će dobiti kratko uputstvo o pravilnom učešću.

Ukoliko korisnik pošalje SMS sa brojem računa koji je već registrovan, dobiti će obavještenje da je račun već iskorišten.

Nakon prijave putem WEB2SMS sa svim potrebnim ispravno upisanim podacima, učesnik će dobiti SMS sa potvrdom o učešću i svoj jedinstveni sigurnosni SMS kod. Svi zaprimljeni i uspješno obrađeni zahtjevi su dio jedinstvene SMS baze iz koje će se izvlačiti dobitnici.

Kako bi učestvovanje u nagradnoj igri bilo validno, kupac je dužan sačuvati original računa do nagradnog izvlačenja kao potvrdu kupovine proizvoda.

Priređivač ne preuzima odgovornost za neispravne podatke.

U slučaju jednokratne kupovine Poli salama u vrijednosti 7 KM koja učestvuju u nagradnoj igri kupac može poslati samo jednu tekstualnu SMS poruku za učestvovanje u nagradnoj igri ili se može samo jednom prijaviti putem web-a uz napomenu da ukoliko kupac učestvuje u nagradnoj igri putem slanja SMS-a poruka, tada kupac ne može s istim računom učestvovati i putem WEB2SMS.

Svaki od učesnika nagradne igre ima pravo učestvovati s neograničenim brojem poslanih SMS poruka i/ili prijava putem weba, ali svaki put sa novim brojem računa. Ako isti broj računa bude ponovno poslan s istog ili nekog drugog broja telefona i/ili ukoliko bude prijavljen više od jednog puta putem WEB2SMS ta će prijava biti proglašena nevažećom.

Član 7

Izvlačenje dobitnika

Organizator je obavezan obavijestiti dobitnika o osvojenoj nagradi u roku od 15 dana od dana izvlačenja dobitnika nagrada telefonskim putem, putem SMS-a ili poziva. Nakon obavještenja, izvučeni dobitnik je dužan fotografiju ili sken original računa dostaviti korisničkoj podršci, putem mail adrese korisnicka.podrska@smsvision.ba ili putem VIBER poruke na broj telefona 066

020 020. Izvlačenje nagrada provest će se po završetku trajanja nagradne igre a putem specijalnog softvera namijenjenog za izvlačenje u nagradnim igrama, na adresi Organizatora pod nadzorom tročlane komisije Organizatora koja će nadgledati regularnost izvlačenja nagrada.

Izvlačenje nagrada obaviti će se u poslovnim prostorijama Organizatora na adresi Potkrajaska bb, 71370 Breza, dana 12.06.2025. godine u 13 sati, na kojem će prisustvovati tročlana komisija kako bi se osigurala ravnopravnost učešća i jednaka mogućnost dobitka svih učesnika.

Izvučeni dobitnici koji ne ispunjavaju uslove iz ovih pravila nagrađen igre neće se uzimati u obzir niti će se objavljivati imena tih dobitnika, a isti će se posebno zapisnički utvrditi.

Pored glavnog bit će izvučen i alternativni dobitnik, koji se smatra dobitnikom u slučaju da prvobitno izvučeni dobitnik ne ispunjava uslove ovih Pravila ili u slučaju da prvobitnog dobitnika nije moguće obavijestiti o osvajanju nagrade u roku od 8 dana, jer je naveo nepostojeću ili pogrešnu adresu ili kontakt telefon.

Dobitniku će na prijavljeni broj telefona biti poslana poruka o dobitku s molbom za slanje ličnih podataka (ime i prezime, tačna poštanska adresa) za potrebe dostave nagrade. Organizator je dužan najkasnije u roku od 8 dana od dana izvlačenja, obavijestiti dobitnike o osvojenim nagradama.

Ukoliko dobitnik unutar 10 dana od dobivanja obavijesti o slanju ličnih podataka za dostavu nagrade iste ne pošalje, izgubit će pravo na nagradu i ona neće biti podijeljena, a u tom slučaju Organizator će postupiti u skladu i na način da se nagrada uruči alternativno izvučenom dobitniku.

Nakon izvlačenja napraviti će se zapisnik koji ostaje u arhivi društva. Isti će se na bilo koji zahtjev nadležnih organa dostaviti na uvid.

Član 8

Dostava nagrada

Nagrade će biti poslane na poštansku adresu dobitnika preporučenom poštom unutar 30 dana od poslane obavijesti o dobitku ili lično uručene na adresi dobitnika.

Član 9

Pravo sudjelovanja

U nagradnoj igri mogu sudjelovati sve fizičke osobe sa stalnim prebivalištem ili boravištem u Bosni i Hercegovini koji prihvataju pravila sudjelovanja.

U nagradnoj igri ne smiju sudjelovati osobe koje neposredno rade na pripremi i izvedbi nagradne igre (uposlenici u službi marketinga Perutnine Ptuj-BH d.o.o).

Član 11

Odgovornost

Svi zahtjevi za nagradom su podložni provjeri od strane Organizatora. Zahtjevi zaprimljeni nakon datuma navedenog u Pravilima smatrat će se nevažećim.

Član 12

Sudionici/saglasnost s pravilima

Sudionici koji sudjeluju u nagradnoj igri nemaju pravo zahtijevati drugačije nagrade ili u većim količinama od onih koje su navedene u ovim Pravilima. Nagrade se ne mogu zamijeniti za novac ili neku drugu vrstu nagrade. Sudjelujući u ovoj nagradnoj igri, sudionici prihvataju ova Pravila.

Član 13

Pogrešne i neregularne prijave

Pogrešne i nepotpune prijave nevažeće su i ne daju sudioniku pravo ni na kakvu nagradu (npr. bez važećeg računa, ako nedostaje ime i prezime, bez navedenih kontakt podataka za slanje nagrade), takve će se smatrati nevažećim te Organizator neće snositi nikakvu obavezu prema sudioniku.

Član 14

Korištenje prijavljenih podataka sudionika i publicitet

S prijavom za sudjelovanje u nagradnoj igri i prihvaćanjem pravila nagradne igre, sudionik dozvoljava Organizatoru prikupljanje, obradu i čuvanje ličnih podataka (broj telefona, od dobitnika nagrada ime i prezime i poštanska adresa).

Organizator će lične podatke sudionika koristiti za:

- provedbu nagradne igre
- komunikaciju za vrijeme i nakon trajanja nagradne.

Organizator će lične podatke dobitnika (broj telefona, ime i prezime, poštanska adresa) koristiti za:

- provedbu nagradne igre
- obavještanje o rezultatima nagradne igre
- slanje nagrada
- objavu dobitnika na www.poli.ba
- komunikaciju za vrijeme i nakon trajanja nagradne igre sve do njegove odjave.

Sva komunikacija sa igračem (za vrijeme i nakon završetka nagradne igre) provodit će se preko prijavljenog broja telefona.

Svi prijavljeni sudionici nagradne igre od Organizatora u bilo kojem trenutku mogu zahtijevati prestanak korištenja njihovih ličnih podataka.

Ukoliko sudionik nagradne igre prije završetka iste traži blokiranje ili brisanje ličnih podataka, time se odriče sudjelovanja u nagradnoj igri.

Član 15

Porezi

Dobitnik ne snosi nikakve poreze, obaveze ili naknade direktno povezane s nagradama.

Član 16

Pravila nagradne igre

Pravila nagradne igre bit će objavljena prije početka nagradne igre na Internet stranici www.poli.ba, a mogu se dobiti na uvid u prostorijama Organizatora, a bit će objavljena i na Facebook stranici Ludi za POLI.

Član 17

Maloljetnici

Prema Zakonu maloljetnici mogu biti dobitnici nagrada i primiti osvojenu nagradu prema zakonom propisanim uslovima, tj. ukoliko su skrbnici maloljetnog dobitnika prihvatili nagradu umjesto maloljetnog dobitnika te ukoliko se slažu s Pravilima nagradne igre.

Član 18

U slučaju spora

U slučaju spora između Organizatora i sudionika nagradne igre bit će nadležan Osnovni sud u Banja Luci.

Član 17

Objava dobitnika

Dobitnici u nagradnoj igri bit će objavljeni na Internet stranici www.poli.ba najkasnije 15 dana od završetka nagradne igre i na Facebook stranici Ludi za POLI.

Član 18

Prekid nagradne igre

Nagradna igra se može prekinuti jedino u slučaju više sile te razloga izvan kontrole Organizatora.

Broj: 391/25

Datum: 19.03.2025. godine

Za PERUTNINA PTUJ – BH d.o.o. Breza-Podružnica Laktaši

Direktor Adnan Hodžić